

伊大利亞史

第一章 伊大利亞半島

興亡之數○半島之地勢山川○北伊大利亞之形勝○氣候產物○人文
○伊大利亞之名

嗚呼。古今東西起伏興亡之迹。何其奇也。以渺小一都城。而興赫赫大帝國。其盛名垂於竹帛。非羅馬哉。而其地不過伊大利亞半島一黑子點耳。後此千百年。復有半島伊大利亞王國之興。吾嘗討其起廢興亡之跡。而不禁爲之歎絕也。今夫歐南之地。斗出於地中海之半島者凡三。西爲西班牙。東爲希臘。而伊大利亞出其中。希臘爲歐洲文明之先進國。羅馬傳之而大興。西班牙繼之。迄今二千年後。昌運復東。伊大利亞五國勃興。希臘亦獨立豈不奇哉。欲觀其事蹟攷其運數則。史尙已今。先舉半島自然之形勝而觀之。

伊大利亞半島。爲歐南三大半島之一。而居其中。自西北而東南。斜伸於地中海。

亞特利亞」海位其東。北海繞其東南。地中海圍其西南。獨西北一帶之平野。與大陸相通。而有「阿耳魄士」山繞之。其地形如乘馬時所用之長靴。極南「加拉布利亞」之「斯帕梯芬圖」海角爲其趾。「阿坡利亞」之「達路加力」師爲其踵。其「獅諾」似刺馬輪。自北境之山麓。至最南之海角。延長約三百里。其幅員在北方之廣地。爲百三十五里。中部四十五六里。最高最狹之地「加拉布利亞」之「歐非米亞」。「斯庫拉士」兩灣之間。僅六七里。沿海之長。共八百餘里。南端僅隔五十餘町之「美西拿」峽水。而與「細細利」相望。自此而南。與太平洋南岸之「亞非利加」相迫。是實羅馬之興「加達額」爭霸。而併吞海之南北之關鍵也。半島之北有「阿耳魄士」山。連峯疊嶂。擁「倫巴的」之沃野。是亦北門之險要也。受其西南之脈而起者。有「阿噴寧」一帶之連峰。擁「幾拿亞」灣。迂曲而走於東南。自是而南。脈波漸廣。漸分。峰嶺漸低。縱爲半島之脊梁。而山勢地勢。共盡於南。其峰巒不及「阿耳魄士」之峻峭。然能自成其爲半島伊大利亞。而與大陸的伊大利亞相對。固亦東南地方

第二之長城也。雖然半島事變。屢因北方之風動而生。「波」河流域。常能左右半島之命運。而爲爭戰之區。此所謂在德不在險歟。蓋地勢之南北既長。峰巒相亘。形如脊梁。長江大河必少。其北方地幅稍廣。故有「波」河本支諸流。發源於「阿耳魄士」之「維梭」會。「阿耳魄士」「阿噴密」兩山之所出水。而入於「亞特利亞」海。又有「阿底幾」河。自「泰羅爾」南流。沿「波」河之北而東。遂開北方之沃野。惟急流激湍。多挾沙土。古今滄桑。不知幾變。如「拉芬那」「蓋科那」固昔日之良港也。今則爲內地之都市。爲「芬替亞」鹹湖之長隄矣。「替勃耳」在羅馬盛時。最著名之河也。今惟「挨那」河稍大而已。故荷欲制半島死命。必先略取「波」河之沃土。「阿耳魄士」雖險。然從西南濱海之地。踰此而入富饒之天府。路有十二。即「科耳的聽的」「幾奈維雷」「坎尼士」大小「三般那」「雪濃龍」「三高達」「三般那的諾」「斯魄溜幹」「布倫耶」「斯泰耳費」「塞瑪林」是也。因而「波」河之諸流。爲防守要線。而「明夏」河邊之「配斯企拉」「門塔」與「阿底幾」河畔之「費羅那」「雷那哥」四處聯合。遂

爲東北之重鎮矣。其當西北之衝者。則有「脫利諾」亞歷山大利亞「要區」。是半島南北形勢之大略也。

斗出於南海之半島。氣候溫和而多晴。至北方之氣候。與南方大異。北方之野。峻嶺繞其三方。故其氣候帶大陸性。半島之暑。以中部「波勞那」爲最甚。而北「米倫」與南「尼布士」澤暑相等。其在冬時。則「米倫」寒於「尼布士」十度。雨多而雪深。濃霧屢起。溝渠皆冰。漸南至「尼布士」雖有積雪。而一晝夜間消滅殆盡。更南則并霜而無之。其地產無花果、橙、檸檬、巴旦杏、棗子。左右此天然之寒暖者。實爲「阿噴賓」吹下之山風。與南非州吹來之重風。南方多澤之地。秋時多瘴。癘疫時行。若數其產物。則有「披德蒙脫」「倫巴」的「亞特利亞」海隅之「米穀」等。「阿耳魄士」諸山。「塔斯加那」「愛來巴」之銅鐵。「奧脫蘭吐」「罷利」之線。「加拉布利亞」之甘草。滿那與葡萄、橄欖、蠶絲。皆爲其主要產物也。雖然。時有盛衰。世有治亂。民人之生業。亦因之而有隆替。羅馬附近「塔斯加那」沿海之地。嘗因戰亂而荒蕪矣。固未可執今以論。

古也。其言語文章亦然。南方本多希臘移殖之民。故羅馬大帝國之文化。亦祖述此古國。其後文用拉丁語。猶操希臘。再後去古愈遠。漸用拉丁語矣。其俗則南方之民。優柔無斷。北方則勇敢果決。此蓋由於南北之差。若以古今隆替論之。大都中世則廢德不修者多。而近世則新思潮正旺之時也。欲知其詳。請讀後述。

伊大利亞之名。原爲牧場之義。上古時惟今之「加拉布利亞」地方有此名稱。至羅馬「加達額」之役。始及於「露比康」河畔。其後爲「阿耳魄士」山以南半島之總稱。然因盛衰降替。而版圖或廣或狹。固未有一定之區劃也。若以今而論。則「細細利」[撒的尼亞]亦被伊大利亞之名。以古而論。則雖半島之半。亦不能名以伊大利亞也。

第二章 羅馬皇帝羅馬教皇與諸外蠻

四百七十六年至
千百三十五年

羅馬季世之伊大利亞○俄多亞撒○帖阿佗力克○倫巴德之侵畧○倫巴德王國○東羅馬皇帝與羅馬教皇○法蘭克皇帝○殺拉生人之侵畧